



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Postrema Iudaeorum sub Adriano obsidio. Cap. VI.

urn:nbn:de:hbz:466:1-29861

EVSEBII HISTORIAE

Postrema Iudæorum sub Adriano obsidio.

CAP. VI.

PORRÒ cum Iudæorū defectio lōgius indies serperet, fusus præfectus Iudææ, auxiliariis copiis ab imperatore sibi ad eam rē missis, illorū amētiam, tanquā causam oblatam ad exitium arripies, acerbe & crudeliter eos exagitat: virorum ac mulierum vnā cum liberis infinita propè millia confertim concidit: belli iure agros illorum populo Rom. adiudicat. Quo quidem tempore Iudæorū dux erat Barchochebas (quod quidem nomen, si lubet interpretari astrum significat) vir quanquam reliqua vitæ ratione cruentus ac prædo nefarius, ipsa tamen appellatione, tanquam sydus aliquod è cælo delapsus, se illis, qui velut homines ex mancipiorū numero, graui seruitutis iugo oppressi, atque miseris ærumnosis afflicti erant, affectiq; erant, lucē ac spem salutis allaturū falsò cōmentus est. Iam verò cum, decimo octauo anno imperij Adriani, bellum iuxta vrbem Beththera nuncupatam (quæ erat omnium rerum præsidis munitissima, neque adeo longè à ciuitate Hierosolymorum sita) vehementius accenderetur, cumq; extra vrbis mœnia longinquiore temporis spatio cōtinuaretur obsidio, & rerum nouandarum auctores, fame ac siti essent ad extremam propè perniciem detrusi, & caput illius temeritatis debitas pœnas persoluisset, Ariscopellæus narrat, vniuersæ genti ex illo tempore prorsus interdictum, ne pedem in agrum Hierosolymitanum aliquando inferrent: & legis decreto, institutisq; Adriani vetitum, (ille planè sic in mandatis dederat) ne vel ex edito loco paternum solum oculis aliquando aspicerent. Hierusalem ergo cū ita esset Iudæorū gente orbata, & veteribus incolis prorsus destituta, genereq; frequentata exterorum hominū, deinceps cum esset à Romanis occupata, nomen cōmutauit, & ad honorem Aelij Adriani imperatoris, qui eam deuicisset, illustrandum, Aelia appellata est. Porro autē simulac ecclesia, quæ ibidem fuit, ex gentibus coalesceret, primus post episcopos, qui erant ex circuncisione, Marcus administrationem gregis Hierosolymitani capessit.

Quinam